

# IACOBI GVTHERII

CHOARTIVS MA-  
IOR, VEL DE ORBI-  
tate toleranda.

Ad Annam Robertum

PRÆFATIO.



PARISIIS,

Apud NICOLAVM BVON, via Iacobæa, sub  
signo S. Claudij, & Hominis Siluestris.

M. DCXIII.





# IACOBI GV-

THERII CHOARTIVS

MAIOR, VEL DE ORBI-  
tate toleranda.

Ad Annam Robertum

*P R Æ F A T I O.*



AGNVM opus om-  
ninò & arduum est,  
Anna Roberte, pa-  
tris pietati acerbiorè  
fato perculsæ, mederi

velle. Etenim quicumq; istuc cona-  
ti sunt, næ illi plerique oscitantem  
& dormitantem mœrore nimio do-  
lorem excitare potuerūt, non fran-  
gere. Pertinax animi ægritudo est,

A ij

quæ cum in virum sapientem cadit,  
 subitis remediis opprimi non facile  
 potest. Nam vt stomachi, qui lateri-  
 bus cingitur, vehementes dolores  
 ad perniciem sæpe procedunt, nec  
 sanguinis missione leuantur: sic acu-  
 tiores paterni pectoris morbi, ex  
 immaturo luctu, nullis lachrymis,  
 nulla eloquentia curantur: sed dan-  
 dum naturæ aliquid est, quod sola-  
 tiis vulgaribus assequi, vix Stoico-  
 rum principes possent. Nunc tamen  
 iam quocumq; feremur, danda ni-  
 mirum vela sunt, & ex ipsis mœroris  
 scopulis, fractis remis, quacumque  
 arte possimus, enatandum: Alcedo-  
 nia quærenda in tranquillo aliquo  
 mari literarum. Atque vt ij qui tem-  
 pestate iactantur, si in deserta feran-  
 tur loca, quouis excepti hospitio,  
 quem incusabant prius, laudât Ne-  
 ptunum: sic tibi domestici funeris  
 fluctibus obruto, si rectum humile



obtulero, in quo eiectus in littus, ap-  
 pensas naufragorum tabulas perlu-  
 stres, alienis fortean edoctus exem-  
 plis, aduersos fortunæ impetus æ-  
 quiore animo tolerabis. Eleganter  
 vetus Poëta dicebat:

*Animus æquus optimum est ærumnæ con-  
 dimentum.*

Æquitásque illa paribus in rebus,  
 paria iura desiderat ex Rhetorum  
 institutis. Primùm itaque postulo  
 vt æquum in his perlegendis te mi-  
 hi præbeas, dum ad ea te fori nostri  
 exempla reuocabo, quæ summum  
 illud naturæ ius, bonum & æquum  
 magna ex parte comprobarūt. Nec  
 verò te in hoc primo naturæ confi-  
 ctu sine oculis & sine mente viuere  
 iubeo: nec ego imperitos medicos  
 volo imitari, qui exulcerant, si sana-  
 re non possint: Sed ea de Lodoïco  
 filio tibi charissimo dicere, vt cum  
 leuiter vulnus intumuerit, fomenta

parem quibus téperetur, nec ei cal-  
 lus doloris diurnitate inducatur.  
 Lodoïcus filius abs te tumulum in-  
 speratum accepit, quem dare de-  
 buisset. Ille, si vita suppeditasset, pa-  
 ternam esset & auitam gloriam, ex  
 omnium sententia consequutus. Fe-  
 rax adolescentis ingenium, omni-  
 bus disciplinis excultum, acerrimū  
 iudicium, exquisita doctrina, indu-  
 stria singularis. Orsus in foro dice-  
 re, duodeuicesimo ætatis anno, cele-  
 riter ad maiores causas adhiberi cœ-  
 ptus est: nulla enim tanta causa fuit,  
 quæ non illius patrocinio digna vi-  
 deretur. In illo canescens oratio tua  
 & ad senectutem vergens adoluerat  
 & quasi virefcebat quotidie, illumq;  
 verborum splendor & copia, suavi-  
 tas vocis, perfacile currens oratio, in  
 principibus patronis collocabat. Sed  
 pietas in eo & fides doctrinam ad-  
 æquauit, quas in celeberrima Tri-

7  
molij principis causa, cum in integrum restitutionem contra Curiae amplissimæ placitum impetrauit, te præfente, tantas ostendit, vt meritò Antonius Arnaldus, qui primas tecum in foro tenet, audiente foro, elatus gaudio exclamarit, *Tydides melior patre*. Rogo te, Anna Roberte, hæc vna vox emissa ab amico & præstanti doctrina viro, nōne tibi fœnus vberimum præstitit, omnemq; sustulit querelæ rationem, si quando pignus charissimum à Deo Opt. Max. repeteretur? Liberos nostros pignora nuncupamus: atque vt pignoris ius ab intentione dominij separatur, si quid humanitùs contigerit, pristinum domino restitutum videtur, qui sortem cum vsuris grauioribus exsoluit. Quare cum per annos aliquot maiores pignoris tui vsuras acceperis, quas vix vllus alius auderet sperare: inuerecundè ex bo-



næ fidei iudicio, ampliores præsta-  
 tiones desiderares. Sed hæc fortè ni-  
 mis subtiliter ex prudētibus nostro-  
 rum responsis: alia adfero vt sæpius  
 linamenta mutem, quibus sanguis  
 ille conquiescat, qui doloris profu-  
 sione decurrit, nec fori amplius præ-  
 ceptis supprimitur. Cecidit in cursu  
 filius: sed in principibus patronis  
 fuit, forū tenuit adolescens, famam,  
 virtutem, gloriam superstites reli-  
 quit, quas posterilaudent & æmu-  
 lentur: hoc non est cadere, sed im-  
 mortalitatem ipsa morte comparaf-  
 se. Prælagibat hoc vxoris tuæ castis-  
 simæ animus, cum ante dies paucos  
 issem ad te, qui de re dubia consule-  
 rem. Nam vt renunciatum est te sei-  
 quihoræ spatio in ducis Maynæi ne-  
 gotiis occupari: de filio multa, vt fe-  
 rè fit in otio, sumus collocti. Sum-  
 mam illius eruditionem commen-  
 dabam: summam laudabat mater  
 pietatem.



pietatem. Ab iis sermonibus digressi  
 paullulum, cum hæc patrem tuum  
 vixisse diceret, anxie quæsiui, qua  
 magnitudine animi factorum ictus  
 repulisses. Fortiter, inquit, vt virum  
 decuit. Hoc, inquam, mihi maxime  
 defuit cum de patris mei morte esset  
 allatum. Eum enim cepi dolorem, vt  
 & remedia fugerem, & recordatio-  
 ne, quasi morfu quodam, in solitu-  
 dine lachrymas excitarem, in easque  
 me solitudinis angustias conijce-  
 rem, vt Dei tandem misericordiâ vi-  
 uam. Inter hos sermones vtrunque  
 lachrymæ, quasi imminentis casus  
 prænuntiæ vtrò exciderunt: & cum  
 ad vesperum prior consultatio tra-  
 heretur, meam distuli, & recessi. Qui  
 diligenter mortis præsagia notarunt  
 olim, illud fortè non obmisissent,  
 quod domum reuersus, inter epulas  
 familiæ meæ narrabam. Et nescio,  
 inquam, vnde illuc nostra digressa

est oratio. Vos iuuenes, in liberos  
intuens, si quandò me fata interce-  
perint, Annæ Roberti constantio-  
ribus exemplis animos confirmate.  
Quæ enim insania est ad naturæ aut  
fortunæ crimina relegare, quæ equo  
iure ac lege ita constituta sunt, vt de  
iis nemo prudens iustè queri possit?  
Ecquæ iam bonis omnibus vitæ ra-  
tio exoptanda est, quæ omnis acer-  
ba esse potest, in hac temporum,  
quâ olim præuidi, infelicitate? Nos  
si quid agimus quo vixisse teste-  
mur, inuidiæ obtrectatio dilacerat.  
Si forensem laborem suscipimus, ea  
iam nobis deuoranda sunt, vt in ne-  
gotiis sine fastidio esse non possi-  
mus. Duriora certè sunt illa incom-  
moda quibus assuescere liber homo  
nullomodò potest. Quapropter si  
iuris scientia in causis agendis sola  
versaretur, nec animus exquisita il-  
lius cognitione ad virtutem effinge-

retur: artem veteratoriam defugerem, prudentiæ honoribus destitutam. Sed nos ea in ciuili iure addiscimus multa, quæ extra causam sunt, quæque optimam viuendi rationē, quid deceat, quid honestum sit, quid iustum, quid in rebus humanis optandum sit vel fugiendum certiùs edocent, quàm quæ in veteris Academia spatiis traduntur ab iis, qui falsam sibi prudentiæ persuasionem induerunt. Pauci enim, vt ad te redeam, Anna Roberte, inter magnates illos sapientiæ magistros inueniuntur, qui filij morte nuntiata dixerint, CADAVER SIT. EFFERATUR. Quod vnum Romani Consulis exemplum memoratur ab omnibus sapientiæ cultoribus: sed cum tale aliquid contigisset, protinus ab iis repudiatum est. De tolerando dolore, de ægritudine lenienda inter scriptores innumeros ità vnus excellit

M. Tullius, vt scriptis suis & naturam hominum & philosophorum doctrinam omnem superarit. Sed umbratilis illius prudentia minus laudatur, quæ ità in morte filiae concidit, vt studij fructus ad neminem minùs quàm, ad ipsum peruenisse diceretur. Quantò æquior Choartij maioris & laudabilior mens fuit, qui ea nobis scripta dinumerat quæ veram & nō simulatam philosophiam affectant: ea virtutis exempla prodit, quæ maiores nostri clarioribus suis anteferre non dubitarent? De his nuper cum iuniore Chauuelino collocutus, insequenti die cū dimisso Senatu illum in foro salutasse: Ecquid, inquit, de Roberto filio audisti? Audiui, inquam, illum heri causam agentem perornatè & acutè. Tum Chauuelinus. Ab eo fortè sudorem consecutus, lateris dolor est, quo vexatur. Haud istuc



dicas, inquam ego: Etenim adoles-  
 centes plurimi populari hoc mor-  
 bo consumuntur. Imò meliùs spe-  
 ro, ait ille. At ego quidem & melius  
 opto. Abrupit sermonem ex nostris  
 vnus qui ad consultationum cellu-  
 las Chauuelinum deduxit. Postera  
 die cum ad illũ à cœna diuertissem,  
 spatiis aliquot in horto confectis,  
 interuenit Bignonius pater. Nun-  
 quidnam molestè? ait: Imò, oppor-  
 tunè, inquam ego. At ille: quid vos  
 tandem? Nihil sanè, inquit Chauue-  
 linus, Roberti patris casum quere-  
 batur: Etenim vt audimus Lodoï-  
 ci filij morbus ingrauescit. Tum Bi-  
 gnonius. Eheu! casum acerbissimum  
 meritò doletis, quem dubium & in-  
 certum patres solliciti, de suis rebus  
 statuentes, in testamentis abomina-  
 ri solent. Totus certè horreo, inquit,  
 cum impendentes huiusmodi casus  
 in memoriã reuoco: Sed agitedum

iure viciniæ inuisamus ad eum, vt si  
 quid opus est, afflictum cōsolemur.  
 Annuebat Chauuelinus: restiti ego.  
 Immatura, inquam, consolatio illa  
 est, quæ futura mala prænuntiando,  
 frustra nascētibus illis occurrit. Nos  
 itaque tantisper hic sedeamus. Con-  
 sensere illi, & cū aliquantulum in co-  
 gitatione defixi essemus omnes, ru-  
 pit silentium Chauuelinus. Non si-  
 nit, inquit, Roberti mœror vt aliò  
 sermones nostri conferatur. Filium  
 amisi pridem, cuius morte dolor me  
 intolerabilis exercuit, & ni seruasset  
 Deus, iam dudum periissem. Laben-  
 tibus lachrymis & singultu interrup-  
 ta voce affecit meum & Bignonij  
 animum, qui metu quodam perter-  
 ritus, obmutuit. Ego verò, inquam,  
 sic existimaui semper, malum illud, si  
 quidem mors malum est, quod pro-  
 uisum antè non sit sapienti, vehe-  
 mentius prudentiam ferire, non oc-

cidere. Nam quantum & quale illud sit, diuturnitate temporis aut ratione recta superatur. Atque iam indocta vulgi consuetudo, artifex est minuendi doloris, quem prudentiores, non subleuare solum, sed tollere non difficile ex animo possunt. Horum exempla habemus in foro plurima. Nam quæ veteres de suis scripta reliquerunt, elegantiora fortè sunt quàm vera: nostra certiora, quæ prior ætas omnis maiore laude digna fateretur. Ex multis vnum afferre possum quod rei veritatem declararet. Pericles Græcorum oratorum antiquissimus atque eloquentissimus, & consilij publici optimus princeps, cuius in labris poëtæ veteres leporem habitasse cecinerunt, & in petore prudentiam: Ille in Paralimioris filij funere, cum iusta persolueret, ita mutatus est, vt necopinato mœrore captus, in eos eiulatus eru-

perit, quasi Bacchantium more, fure-  
 rere videretur. At verò noster Cho-  
 artius, qui ex consuetudine fori &  
 rerum varietate edoctus aduersa to-  
 lerare, cum filium ætate prouectio-  
 rem, & à causis agendis ad ius ciuile  
 transeuntem, leui quodam ac facili  
 lapsu ad Deos peruolasse videret:  
 vultu semper eodẽ, tranquilla fron-  
 te & serena, condolentes amicos ea  
 moderatione cõsolabatur, vt nullus  
 illius casibus ampliùs ingemisceret,  
 sed tanti viri virtutibus omnes con-  
 gratularentur. Vidimus virum, ite-  
 rum dico, vidimus planè virum, cu-  
 ius plena literatæ senectutis oratio  
 eam nobis prudentiam commen-  
 dauit, quam velle imitari (quis enim  
 posset?) inter non minima pruden-  
 tiæ exempla ponetur. Hunc rogo  
 vos, cum videmus quem philoso-  
 phum non contemnimus? Primus  
 Choartius temporibus nostris sequis-  
 simum



sumum hunc ictum aduerso pectore  
 cum recepisset: ceteros singulari sua  
 prudentia docuit, qua ratione tan-  
 tas fatorum iniurias possent volun-  
 taria quadam obliuione conterere.  
 Nulla orbitas est quæ Choartij no-  
 stri solitudini possit adæquari. Ami-  
 sit filium annorum circiter quadra-  
 ginta, in causis illustrioribus percel-  
 lebrem, in cæteris peracutum, facile,  
 benignum, grauem, perurbanum, cu-  
 ius interitu forum multis ornamen-  
 tis spoliatum atq; orbatum lugeba-  
 mus. Sed ea patris magnitudo animi  
 fuit, vt non mortem filij, sed mortis  
 opportunitatem cogitaret. Etenim  
 ea est Dei Optimi clementia, vt cum  
 nullum vitæ terminum constituerit,  
 eum tamē ponat semper, quem op-  
 portunum & commodum nouit.  
 At quod in morte tempus illud op-  
 portunum aut optandum magis est  
 quàm quo perfecta virtus ad gloriæ

cacumen peruecta, altius tolli non potest, nisi ad cœlum diuina quadā prouidentia trahatur? Vt in floribus, qui spectatissimè florent, eos celerius marcescere videmus: & rosa, cuius in coronis vsus præcipuus, sponte decidit, si tardiùs decerpatur: Sic in vita est eorum, quos vt virorum flores iuauitate virtutis charissimos habemus. Hi enim ea maximè hora diuinitus leguntur, qua pulchritudo gloriæ si canesceret, venustatis aliquid deperdere posset aut dignitatis. Atque hoc plerumque experti sumus, vt non posset in eo vita diuturna esse, qui maturitatem gloriæ & ingenij celeriter esset assecutus. Præclarum carmen illud est, quod de viris huiusmodi poëta canit.

*Ostendunt terris hōs tantū fata, neq; ultra  
Esse sinunt.*

Hîc Bignonius. Dura lex profectò quam nobis natura præscripsit, quæ

cum parentibus dulcissimos filios eripit, altius infigit, paterni affectus aculeos, qui nulla ratione conuellantur: sed vel illa ipsa cogitatione eas perturbationes mouent, ut parentes metu oppressos, infelicissimos reddat. Ad hæc ego. Noli, inquam, Bignoni doctissime, præmatura accusatione naturam lædere, atque abominari ea, quæ si acciderent, ad Chortij prudentiam recurrendum esset. Quid enim in naturæ legibus aut accusare meritò possumus aut dolere? An ab ea stipulati sumus filios immortales, aut promisit illa ad extremam usque hos senectutem perducere? Primum si cupias, impetrasti. Iam enim filium immortalē habes, cuius ea sunt ingenii monumēta, ut nemo eius ætatis sit adolescens ad virtutem natus, qui non lubens vitā cum Hieronymi tui gloria commutaret. Sed de illius laudibus neq;

hic locus est v. multa dicantur, neq;  
 plura dici possunt, quàm quæ poste-  
 ra ætas memoriâ celebrabit. Nunc  
 de iis loquor, quos eo ordine, quo  
 natura iusserit, sequi nos oportet:  
 Quorum è corporis vinculis libera-  
 tus innocens animus, cum inter ho-  
 mines esse desiit, in Diuorum nume-  
 rum facilè recipitur. Cum igitur per-  
 beatos illos verè credimus qui eum  
 vitæ finem habuerunt, quid iam est  
 quod lugeamus? quid turbamur?  
 quid torquemur? An quieti illorum  
 inuidemus, quos scimus perpetuò  
 viuere felices? Quod si ab Inferis, vt  
 aiunt, illos excitare possemus, nòn-  
 ne imprudenter illorû à nobis Ma-  
 nes læderentur? Quæ enim impru-  
 dentia esset, immortalem animum  
 ad caducam & miseram vitam re-  
 ducere, & conditione dissimili arma  
 aurea æneis vilioribus permutare?  
 Nescit paterna pietas, omninò ne-



scit, vel quid doleat, vel quid de natura queratur: nam si quid dolendū est (quod in homine vulgari tolerari posset) in eo qui in fori prudentia exercitatus est, nullomodò esset ferendum. Solet vulgus mala consuetudine, in luctu domestico ad aliquam animi deformitatem venire, vt cum æterna & diuturna in illo infideat opinio doloris, aliis miserandum, aliis se præbeat irridendum. Vulgus voco non solū plebeculam, sed eos omnes animos, qui in prudentiæ officina non sunt perpoliti. Quæ cum in foro maximè discitur, quod doloris aliis, nobis imprudentiæ peccatū esset, quod rerum imperitiæ solet assignari. Ea porrò grauis exprobratio semper iis esset, quorum prudentia quotidie in aliorum periculis depellendis occupatur. Sæpe ego audiui Choartium dicentem malos consultores eos esse, qui sibi rebus in ad-

uersis consulere ipsi non possent. Nam qui suis vulneribus in acie miles pavidus exanimatur, nec honestè cadere potest, nec vincere, nec viris fortioribus imperare. Qui militant in foro, principes patroni, ancipiti causarum fortunæ assueti, quî possent prudenti consilio aliorum periculis occurrere, si sua ipsi nec ferre possent nec præuidere? Sæpenuerò accedit pater mœstissimus de filij fortè hæreditate quesiturus: hic plorans & eiulans consilium petit, quo modo delatam sibi ordine præposito hereditatem tueatur. Multa de filio loquitur quæ vulgares illos animos facile commouerent. Non minimum est Iurisperiti officium, antequam de iure respōdeat, patris pietatem paucis collaudare, & doloris acerbicatem delinire. Si verò prudens ille qui consulitur, præteritorum recordatione perturbetur, &

iuris & facti ignorantia, faller & falleretur. Hoc si accideret, ecquâ de fori prudentia opinionē litigatores conciperent? Consilium petunt, non lachrymas, iuris peritum quærunt, nō ægritudinis focium, qui domestico luctu impeditus, non possit apertè rem, de qua quæritur, explicare. Sed imbecillior fortè hæc ratio est, quæ ab ijs quæ rarò accidunt, peti nō debet: Fateor illud quidem. Iam ergo ad fortiora recurramus, & desertis fori septis, quasi in Lycæo naturæ causam expendamus. Primùm, quid aliud est ægritudo, quàm opinio doloris, quæ mala consuetudine comprobatur? Et si ratione pugnandum sit, audacter assero, quicquid sine ratione sit, illud honestum esse nullo modo posse: vel certè quod contra rationem est, imprudentiæ annumerari. Ratio enim naturæ lex est, quæ & legum ciuiliū anima præ-



dicatur. Atq; vt Martiano ex Demosthenis sententia, lex est, inuentum ac munus Deorum: Sic Philoniratio, donum Dei nobilissimū, quo ornatī, à carceribus ad metam vsque vitæ stadium percurrimus. Qui ergo per hoc vitæ curriculum, decursis virtutis & gloriæ pluribus spatijs, ad metam celerius prouecti sunt: hoc illi nobilissimo diuini muneris dono consequi videntur ex legis naturæ præscripto. Quæ quidem lex & communem sponsonem continet, & purè concepta est, vt confestim vita debeatur, cum petitur. Quare inciuile admodum esset, illud quod generaliter constitutum est, contra rationem singulari aliquo iure tollere. Docent philosophi rationes illas esse fortissimas, quæ ex proprijs principiis ducuntur, illaq; principia ita certa esse, vt cum eo disputandū non sit, quia ea negaret, aut de illis dubitaret.



dubitaret. Tale illud nostrum est.

MORS OMNI ÆTATI COMMVNIS  
EST. Quis hoc Sophista negauerit?  
quis dubitarit? Quod cum ita sit, in-  
scientia esset, incerta pro certis, falsa  
pro veris optare vel sperare. Sed vt  
Neoptolemus apud Eunium, philo-  
sophemur paucis, atq; rationi ex  
veterum disciplina filias duas effin-  
gamus, prudentiam & virtutem. In  
hoc consistendum est, vt virtus ni-  
hil aliud sit quàm rationis absolu-  
tio quæ casus humanos omnes sibi  
inferiores putet. Virtus eadem na-  
turæ est ratio quam nullus cōstitue-  
re potest, nisi ea quæ sunt, P R I M A  
N A T V R Æ teneat, idest, nisi pro-  
pria naturæ principia nouerit, quæ  
vsuram vitæ dedit tãquam pecuniæ,  
præstituta die. Atq; illa naturæ ratio  
diuina lege regitur aut humana. Si  
diuinam optimam ducem tanquam  
Deum sequimur, ea nobis in luctu

solatia succurrunt, vt quas ægritudi-  
 nis causas putamus, illas benignita-  
 tis diuinæ certissimas notas experi-  
 mur. Hoc vnum, inquit Bignonius  
 & commonendi gratia dicam & dis-  
 putâdi, si lubet. Vide sis Gutheri, ne  
 sensu insuperhabito ad rationē cō-  
 fugere, tutum non sit, quod Aristot-  
 eles vanum & absurdum esse cre-  
 debat, Atq; vt illius verbis vtar ἀπὸ  
 τῆς διανοίας. Nā quid quid est, quod  
 sensum habet, id necesse est volu-  
 ptatem sentiat & dolorem: Vt sen-  
 sus, quibus inest, eisdem & dolor &  
 voluptas concedi debet. Quibus ve-  
 rò dolor & voluptas, eisdem & cu-  
 piditas inhæret, quam naturalis af-  
 fectio comitatur. Hæc ita & dolorē  
 discernit & voluptatem, quæ aut re-  
 ctè fugiat aut persequatur: vt idem  
 esse Philosophi dixerint, sentire ac  
 intelligere. Mortem omni ætati cō-  
 munem nemo diffidetur: at com-

muni doloris sensu in filij funere patrem carere debere, hoc verò cōtra rationem est & legem & naturam ipsam. Principiò enim amorem præcipuum in eos qui procreati sunt ingenerat natura, cuius vincula rūpi sine maximo dolore non possunt. Hinc lex quæ summa ratione nritur, dolorem iustum temperare difficile esse non negat, sed affectioni paternæ non nihil condonandū imperat & patris pietatem reprehendi vetat. Quare cum virtus & vitium in voluptate & dolore versentur, qui erepto filio nihil doleret, hunc in maximum animi vitium incidisse, à communi sensu abhorrere, atq; à virtute alienum esse, meritò dicemus. Optimè, inquam, si modò hæc rectè tractentur. Nam quæ de sensu & ratione adfers, vera quidem illa sunt in rerum cognitione disquirēda, quæ sensus beneficio plærumq;



ad intellectum perducuntur. In ijs enim sensus cum ratione pugnare potest, si quod omnibus certò comprobatum est, contraria ratione disputaretur. Vt parentes filios ad amare, ignem calidum esse, ita certum est & perspicuum, vt qui contrà sentiret, nihil sentiret. Cæterum quamquam iudicium à sensibus oriatur, non est tamen in sensibus iudicium veritatis, quos omnes hebetes & tardos esse Academici arbitrantur: nisi si eæ animæ parti iuncti sunt, cui ratio dominatur. Tum enim sentire idem esse ac sapere veteres putauerunt, cum ratio scilicet sensui & sensus rationi accommodatur. Iure itaq; Empedoclis contraria sententia rejicitur. Nam si idem omnino est sapere & sentire, bruta ipsa quæ sentiunt, furiosi & amentes sapere falsò dicerentur. At verò virtus ais, in voluptate & dolore consistit: Certè.



Nec voluptatem tamen nec dolorem ullus virtutem dixerit, quæ ex animi perturbatione sæpius oriuntur. Vt nec voluptas aut dolor qualitas est, nullaque est ars voluptatis aut doloris, quibus cupiditas ancillatur. Sed voluptas & dolor in genere infinitorum sunt. Atque ut voluptas omnis appetenda non est, ut bonum: Sic dolor omnis, ut malum, non est fugiendus. In utroque cupiditas plurimum valet, cuius tria genera traduntur. Vna enim legitima est, vulgo quæsitæ duæ. Legitima ad rationem tendit, & voluntas est quæ à ratione non separatur. At spuria iram sequuntur & dolorem & cæco impetu legem & rationem fugiunt, vitiorumque fenestræ vocantur. Cum ergo dolor ex cupidate nascitur, illum si rationi cõueniat, non improbamus: Si consuetudine immoderatus ducitur, planè fugiendum putamus.

Itaque si vir prudēs & in rebus humanis exercitatus filiū amiserit, non doloris expers prorsus erit, sed dolorem moderatus omnē animi perturbationem ratione & lege temperabit. Sicque virtus in voluptatibus versabitur, quæ ex rebus honestis capiūtur: & dolor qui propter virtutē toleratur, nō fugiendus modò nō est, sed quærendus. Quod si ex filij morte accidat, cum pietatem moueat, non longè à virtute est, cum ab illa pietatis ratione viros bonos lachrymabiles Homērus vocet, quorum mētes nunquam immodico dolore deprauantur. At qui dolorem in filij funere superauit, quod difficilius, quàm à voluptatibus abstinere, Hic demū emeritus prudentiæ miles est, cui castrorum virtutis disciplina, vt Paulus noster loquitur, antiquior est, quàm charitas filiorum. In hunc militum numerum relatus Choartius fortiter

vbique pugnauit, & diuinus illius animus, non fomenta doloris, sed virtutis oblectamenta ex hac cella deprompsit, cum abeunte filio summa mentis tranquillitate in Prophetarum libris exercebatur, & reluctantes motus, amicorumq; mœstitiâ sereno vultu coercerebat. Habemus huius viri carmina, quæ Ionam etiamnum rediuiuum reddunt, Genesim nobilitant, multaq; Dei Optimi oracula edunt & exponunt, quæ ciuili admixta prudentiæ, in foro Choartius ad summam perductus ætatem, reddit quotidie. In quo humanam rationis legem conspicio, quam vir ille singulari prudentia adornauit. Optimè dicebat Philo humanas leges animatas esse & ratione præditas. Nam & mutæ quæ putantur, colloquuntur nobiscum, viuendi artem excolunt, affectus tractant animorum, quibus per interpretem rationem



ea explicant, quæ tacitam virtutem,  
 disertam efficiunt, non verbis ad o-  
 stentationem compositis, sed rebus  
 ipsis, quæ ex prudentiæ actionibus  
 traducuntur. Pessimè prudētem pu-  
 taremus eum qui Sophistarum mo-  
 re satis loquentiæ haberet, sapientiæ  
 parū. Nam prudentia non in vete-  
 ratoria dicendi arte consistit, sed cir-  
 ca res versatur quæ hominem cæte-  
 ris præstantiorem demonstrāt. Qua-  
 lem habemus Choartium, cuius vir-  
 tutes singulas enumerare immensi  
 operis esset, atque adeò super vires  
 meas. Quare hac in re satis mihi est  
 eam prudentiæ partem mirari, qua  
 filij optimi luctū temperauit. Cho-  
 artius filius ætate in media, florenti-  
 bus rebus vita decessit, vxorem reli-  
 quit cum liberis septem, quorū ma-  
 ior natu vix septem annos attigerat:  
 atrocissimum orbitatis vulnus illud  
 est non propter recentem memoriā  
 clarissimi



clarissimi patris quæ nunquam occideret, sed ob liberorum ætatis teneræ infirmitatem multis captionibus multorumque insidijs expositam, quam auorum auxilio & opitulatione posse defendi ad perfectam vsque ætatem, nullus sperasset. Vidi ego cum pax funeri data est, atro vestitu, velatis pro more capitibus, prolem numerosè incedentem, quæ ita me visu ipso perturbauit, vt abiectis armis (quod aiunt) terga dederim, & fugitiuam hoc in loco prudentiam senserim, lógo veluti postliminio reuersuram. Sed quàm fallax mens est hominum, in ijs maxime quæ iubente natura accidere solent. Paruula hæc ætas auorum senectute tutata, eum vitricum nacta est, vt ipsa auis comprobantibus, patrem non amisisse sed recepisse videatur. Sic natura quam nouercam fingimus, semper natura est, hoc est

æquior & constantior quàm fortuna, quæ sine ratione blanditur semper aut lædit. Illa verò si lege nobiscū agat, cū prouocationis negat auxiliū, ægritudinis téperamētū largitur. Nasci igitur & mori naturæ lex est, vel potius lex est rationis. Itaq; prudēter nostri cū de conditionibus & demonstrationibus disputant, in ipso tituli capite diem incertum dicunt, cum ità scribitur. HERES MEVS CVM MORI ET VR, DECEM DATO. Nam diem incertum mors habet, vt natura incertam quoque habet causam rationis, quæ certi stipulatione iuuatur, certum enim est debitūiri. Etenim cum nascentes vitam naturæ reddere promittimus, ex eo quod reddenda est, certi stipulatio est ex Papiniani sententia, vt cū petitur statim debeat. Naturæ iudicio sisti nos omnes promittimus, in potestate stipulatoris est diem ponere: cum

promissioni nostræ committimur, vadimoniū deferere aut differre nec possumus nec debemus. Et quoties dies non adijcitur, præsentī die debetur. Hęc in foro cum Choartius didicisset adolescēs, & multo rerum usu ad senectutem firmasset, innatam illam prudentiam, quæ in ipsa senectute adolescit: nusquam naturæ extrema, & inimicissima iura putavit, sed æquē illius leges tutatus est admiranda virtute. Hoc tamen singulare in illo est, quod Talæum adsciuit generū sibi, qui & fratrem referat in causis agendis, & focerum in consultandis assequatur, eosque nepotes dederit qui patris, aui & avunculi similes essent: quorum alter in foro nobilis à Præsīde Maximo cum in maiore causa perorasset, iudicio curiæ laudem non minimā publicè promeruit. Alter ex Sorbonæ doctissimæ & sanctissimæ disserta-



tionibus acutissimis, eam laureā expectat, quam doctorum omnium suffragiis iam adeptus est. O te Chorti felicem! seu mortuum filiū quæramus, seu rediuium illum tecum in nepotibus contemplemur. O te beatum! qui ea prudentiæ & virtutis exempla tradidisti, quæ prudētes nostri cæteri admirati, postea imitarentur. Etenim ut virtutis tuæ imitamenta, sic doloris causæ non defuerunt fori Principibus, quorum hoc vnum fatum ferè fuit, ut immatura liberorum morte vexarentur. Antonius Oisellus alter parens meus, quem virum omni eruditione & virtute præstantem magnus Cuiacius agnoscit, Petri Pithoei amicitia strictior posteritati commendat, Maiora omnia Galliarum Tribunalia venerantur, Oisellus ille filium alterum natu maiorem in Parisiensi curia Senatorem meritissimum extulit; sed idem tan-



quam ex incendio fortunæ effugiēs,  
 ad naturæ leges se contulit, quæ ra-  
 tionis præsidio munitæ grauissimos  
 luctus acriter repulerunt. Ille ipse Pe-  
 trus Pithoeus popularis meus, vir  
 summo ingenio, summa prudentia,  
 summo splendore & gratia præditus,  
 cuius doctrina singularis, spectata  
 pietas & fides à nobis atque ab exte-  
 ris omnibus ad miraculum vsq; præ-  
 dicatur, filios quatuor quos ex vx-  
 ore sustulerat, acerbo fato ereptos o-  
 mnes vidit. Sed huic virtutū omniū  
 & literarū optimo parenti, plures li-  
 beros elegatior doctrina substituit.  
 Vix enim vllus est eorum qui melio-  
 res literas attigerūt, qui Petrum Pi-  
 thoeum & probitatis & eruditionis  
 reconditę patrē nō agnoscat, illiusq;  
 nomen non reuereatur & colat. Ma-  
 gni Cuiacij de illo iudiciū facit, vt di-  
 scipulo præstati doctissimum magi-  
 strū coniungam. Hic filij vnici funus

prosequutus est, & quamquam for-  
rensi luce caruerit, cum in iuris of-  
ficina perfectus magister prudentiæ  
cōparandæ vixerit (nam in eius scri-  
ptis lîtera nulla est, quæ multorum  
voluminibus non debeat anteferri)  
eam præterea gloriam ex domestico  
luctu consequutus est & modera-  
tionem, quam fori patroni postmo-  
dum edocti sunt & æmulati. Chau-  
uelinus major Choartij generi &  
filij senatoris integerrimi interitum  
expertus est: Hunc fori nostri alte-  
rum Scœuolam omni parte humani-  
tatis dixerim hominem perfectum,  
cuius indulgentiam laudamus, quæ  
neruos prudentiæ nusquam debili-  
tauit. Ordinem non sequar quem in  
morte natura non seruat. Tu Chau-  
ueline, filio moestas exequias cele-  
brasti: Comprehendit manum, at-  
que hic interfatus Chauuelinus, cū  
susprium altè petiuisset, suspexit in

cœlum:& nūquam, inquit, ex animo meo discedit charissimi filij memoria : sed gratias immortalī Deo habeo maximas, qui id mihi solatij præbuerit, vt cum me hominem esse meminissem, nihil à me, & Terentianus senex, humani alienum putarem. Diuinis itaque & humanis legibus eruditus, quas percurristi, cū à propheta rege viderem filios oliuarum nouellis comparari: ex laboleni responso edoctus sum, oleam immaturam plus habere redditus, quàm si matura legeretur. Quare Dei Optimi prouidentiam veneror, qui eam nostris ætatibus tempestiuitatē dedit, vt solus norit, quæ opportunior vberiores fructus ferar. Nec vero, inquam tu solus nosti hæc quæ aliis multis nimis fortè perspecta sunt. Nam vt dicebamus pleriq; in foro clari & magni reliquias vnicorum condiderunt, quos vnicè di-



ligebant. Manguinius noster qui à  
 iure ciuili instructissimus, eum ordi-  
 nem in foro obtinet, quem præstan-  
 tes patroni, vnicum habuit filium &  
 amauit: hunc mors importuna patri  
 præripuit. At septuennem illum, di-  
 ces, verum id quidem: sed vt gratior  
 ætas tenera nobis est, sic fatum acer-  
 bius cùm ictu vno spes omnis libe-  
 rorum occidit. Buthillerium non ta-  
 ceo quem omnes amamus meritif-  
 simò pro eius singulari doctrina &  
 eximia suauitate. Huic generum mors  
 eadem abstulit, qui non minimam  
 in fori exercitationibus laudem sibi  
 conciliarat, & socerum non vulga-  
 ris scientiæ Pontificem exhibuisset  
 aliquando, ni fatis concessisset. Tam  
 moderatè Buthillerius, tam pruden-  
 ter, tam constanter filiae viduitatem  
 ac solitudinem ad naturæ leges re-  
 uocauit, vt ab ipso Choartio maxi-  
 mè laudaretur. Quid de Lodoïco  
 Dolæo



Doleo dicā? qui cum primas in cau-  
 sis egerit per vicennium, ijs literis  
 exornatus, quæ grauitatem vitæ &  
 integritatem decorant: quem sum-  
 ma prudētia in Christianissimi prin-  
 cipis consilium assumpsit, atque ijs  
 affecit honoribus qui virtutis præ-  
 miū aliquod cōtulerunt: Hic charis-  
 simo genero in supplicum libellorū  
 curia præsidī, iusta persoluit, viduā-  
 que filiam recepit intra coniugij an-  
 num. Dolæum in patronorum nu-  
 mero colloco, cuius animum aucta  
 dignitas non immutauit, quin par-  
 tam in foro gloriam vt præcipuam  
 semper tueatur. Ad multam noctē  
 cum hunc sermonem produxisse-  
 mus, in crastinum reiecimus, qui cū  
 tacitus effluxisset, perendie in eundē  
 conuenimus locum, sed vt assedi-  
 mus, Robertum filium vixisse nū-  
 tiatum nobis est. Illicò Bignonius. Si  
 quid habes Gutheri ex sermonibus

hesternis reliqui, tute obloquere, fa-  
 uentes adsumus: Verùm vt veteres  
 leges sua vetustate consenescent &  
 nouis aliis sæpè tolluntur: sic adhi-  
 bendæ nobis eæ sunt rationes, quas  
 audiuius nunquam, legimus nun-  
 quam. Nam quæ audita aut lecta  
 sunt, succurrunt vltro, sed ab acerbis  
 cogitationibus animum non abstra-  
 hunt satis. Tum ego: A Roberto pa-  
 tre eas rationes repetere possum,  
 quas requiris. Ille enim in suis rerum  
 iudicatarum libris, qui præcipuam  
 fori disciplinam continent atq; ex-  
 plicant, in eam primùm controuer-  
 siam incidit quæ contra patrem mo-  
 ta est, cum pietas scilicet contra pie-  
 tatem contenderet, & quæreretur:  
 Vtrum legata ad pias causas legiti-  
 mam patris portionem in filij here-  
 ditate minuerent. Legatorum peti-  
 tionem scindi debere senatus iudi-  
 cauit. Quod ad naturæ iura porrigi

non potest, illa enim præcipua sunt,  
 & extra causam bonorum. Nam ut  
 solatij causa patrem vocat illa ad fi-  
 lij hereditatem : sic liberos per æni  
 lege fisti iubet præstituta die & vo-  
 cati nulla parentum pietate eximi  
 possunt : ut nullam parentibus, na-  
 tura querelâ dedit, quàm si quid à li-  
 beris ritè factum quidem est, sed nò  
 ex officio pietatis. At illa ipsa in offi-  
 ciosi argui non potest, & parum sa-  
 næ mētis esse diceretur qui malignè  
 iudicium suum intulisse illam que-  
 reretur. Etenim pietatis omnis ratio  
 a natura sumitur, & ius nostrum pri-  
 mum, naturale dicimus. Quicquid  
 ergo natura constituit ius primum  
 est, quod nouo alio iure tolli nò po-  
 test. Atque ut legitima portio quæ  
 parentibus debetur, naturæ ius est:  
 sic filiorum mors immatura quæ pu-  
 tatur, eodem iure censetur. Quare  
 hoc tanquam prudētiae principium.



concedendum est. Quicquid natura facit, id illam suo iure facere citra reprehensionem & querelam. Quod si ciuilibus legibus interitum machinari nullus sine capitis pœna potest, vt Socrates ad Critonem dicebat, nec vir bonus dicere audeat, ciuitatem leges suas non rectè tulisse, quia quod lex imperat, iustum semper est. Quis naturę leges vanis questibus violare sine prudentiæ discrimine potest, quæ summa æquitate nituntur? In hominũ legibus si quid durum videatur, vim tamẽ illud obtinet, quia ita lex scripta est: at naturæ iura non scripta, scriptis legibus fortiora sunt, quæ mortaliũ omniũ consensu comprobantur. Nunc verò quid ad hanc rem Anna Robertus attulerit, videamus. Pietatis genus aliquod ex Hyeronimo constituit aliquando in parētes esse crudelem. Si hoc liberis in parentes licet, cur &



non naturæ liceat suo iure vti cum  
 lubet? Mea ergò sententia hæc est,  
 naturæ leges summam habere equi-  
 tatem: ciuiles à bono & æquo ple-  
 rumque recedere. Num minus equa  
 Papiæ lex est, quæ orbum & solita-  
 rium patrem, eorum quæ sibi relicta  
 testamento essent plusquam semis-  
 sem capere vetuit, altero semisse  
 multatum? Duriores etiam leges a-  
 liæque pietatis rationem inter parē-  
 tes & liberos non seruant, quales  
 sunt eæ quæ filij institutionem hoc  
 modo conceptam admittunt: *Filius*  
*meus impiissimus latro, gladiator, heres*  
*esto*, aliæque permultæ, quæ hoc loco  
 enumerare longum esset. Malo in  
 aliis immorari quæ ad naturam pro-  
 pius accedere videntur, vt sunt  
 de luctu parentum aut liberorum,  
 qui nullus lege aut iure introdu-  
 ctus est, sed ex more maiorum ali-  
 quatenus receptus. Inter maiores

illos, vt Dionysius refert, nonnulli illustres, Diis Patriis ipso funeris die mactarunt victimas, coronas gestarunt, egerunt triumphos. Æschines in Demosthenem inuehitur, quod is septimo die post filiæ mortem hostias immolasset coronatus, albâque veste amictus, quod lætitiæ indicium fuit. Nimis rhetoricè hoc quidem. Nam & Paulus Æmilius duobus è filiis quos solos nominis sacrorum familiæq; heredes retinuerat domi, post diē quintum, quo ex illis funeratus vnus est, de Perseo Rege triumphauit: & alter triduo post triumphum decessit. Vtriusque exitum eo animo Paulus tulit, quem Imperatorem deceret. Nam in sua ad Quirites oratione, *Hanc cladem, inquit, domus meæ vestra felicitas & secunda fortuna publica consolatur.* Ego verò nunc deos oro vt prohibeant, ne publica ca-

lamitas faxit, vt quam acerbiter  
 fingimus, sumnam tandem felicitatem,  
 grato animo interpretemur.  
 Multa enim nobis impedere videntur,  
 quæ per beatos illos aliquando  
 fuisse probent, qui rerum omnium  
 perturbationem citius effugerunt,  
 Mihi non placent illa conuiuia quæ  
 futura ex præsentibus metiuntur, in  
 quibus voces illæ per mensas iactantur.  
 AMICI DVM VIVIMVS VIVAMVS.  
 Grator est Satyrici cœna, in qua larua  
 argentea circumferebatur, quæ  
 moneret nos homunciones nihil esse,  
 quos salillum animæ non insulse  
 comicus ridet. Præsens præsentibus  
 dico, vtinam meus me fallat animus,  
 & præteritorum meminisse debemus  
 & futura pertimescere. Qui viuunt  
 dum viuunt, in diem quandoq; vixerint ipsi:  
 Cæterum cogitemus ea tempora  
 quibus peritiorum spes infringetur,  
 læguet industria, affli-



cta & prostrata dicēdi ratio vel scri-  
 bendi erit etiam luctuosa. Sed his o-  
 missis ad naturam redeamus, cuius  
 extremū in iurisdictione est, vt præ-  
 finita die moriamur. Quod quidem,  
 quia commune est, summam habet  
 æquitatē, & sine cuiusque indigna-  
 tione iusta. Quod enim odium atq;  
 grauis offensio in naturam concita-  
 ri potest, si liberos à parentum com-  
 plexu auulserit, vt opportunè illos  
 recipiat in suum? Muliercularū con-  
 questio hæc miserationem quando-  
 que captat: Nō adfui, non vidi, non  
 postremam huius vocem audiui, nō  
 extremum eius spiritum excepi: Ini-  
 micorum in manibus mortuus est:  
 hostili in terra turpiter iacet insepul-  
 tus, à feris diu vexatus cōmuni quo-  
 que honore in morte caruit. Hæc  
 sunt figmenta Rhetorum qui cum  
 naturā lædere non possint, damnant  
 fortunam: quam Robertus in mor-  
te filij

te filij iure accusare non potest. Filius enim ad summū virtutis & glorię forensis fastigium euectus superstitem reliquit optimam conscientiam, immortalem famam, veros amicos: vt si quid dolendum sit, dolorque in partes innumeras posset diuidi, is amicorum est numerus, vt postquam minimam quisque doloris illius partem acceperit, totus cōsumatur, nec patri pars vlla relinquatur. Traiano non assentior qui patrem socium luctus non habere credebat. Nā vbi publicus est & tota vrbe peruagatur, domesticis parietibus includi non potest. Hoc verò est felicem esse, non miseratione dignū quod de plebeio homine sapiēs Soló Persarum regi olim referebat, & ciuem Atticū fortunę regię præferebat. Neque enim vita beata dici potest nisi confecta & absoluta: nec potest quisquam aliàs verè laudari

ante vltimum illud vitæ tempus, vt  
 nec ante partâ victoriam triumphus  
 decerni. Quare cum in pace Rober-  
 tus filius excefferit, si verum fatea-  
 mur, hoc nō est de vita migrare, sed  
 mortem ipsam præmaturo exitu de-  
 cipere. At verò commune parentum  
 omnium votum est, vt filios super-  
 stites habeant, & hoc apud Homerū  
 Hector votū cōcipiebat filiumque  
 non sibi similem solū sed seipso  
 fortiores à Dijs immortalibus ex-  
 petebat illumque superstitem. Sed  
 hunc ab Vlysse in funere patriæ pre-  
 cepitem datum narrât poëtæ. Quod  
 fortè esset vitam amittere, quæ ab  
 iis retinetur, qui hanc semel benè su-  
 scepiam, honestè cum natura po-  
 sceret, dimiserunt. Incerta est rerum  
 omnium felicitas, caduca, nusquam  
 illæsa, cum Aniculum filium difficil-  
 limis temporibus mater profugiens  
 Cæsarodunum Turonum deduce-



ret, effugit cruētas hostium manus,  
 quę Lodoicum Robertum dilace-  
 rare in matris miserrimæ conspectu  
 potuissent. Quod factum cum non  
 sit, fortunæ benignitas est. Quod  
 pacatis rebus domi illum inter com-  
 plexus absumptum, eadem mater  
 funera produxit: pietatis solatium.  
 quod luctu publico vterque parens  
 elatum illum conspexit: Hoc certè  
 est perfectæ præmiū virtutis nullis  
 ampliùs fortunæ insidijs obnoxiiū.  
 Quas ego tot & tantas expertus sū,  
 vt mortem miseriarum finem bo-  
 norumque perfugium vnū esse pu-  
 té. Quid enim est quod omnes boni  
 aut eruditi vitā posthac diutiùs tra-  
 here desiderent? Iacent sepultæ vbi-  
 que literæ, iam virtus si qua est, & lu-  
 dibrio est, & odio maximo. Scitis  
 vos, vt primū mei de Iure Ponti-  
 ficio libri prodierunt quantas laten-  
 tium inimicorum turbas excitari.

Nouum enim & inauditū quoddam  
 imperitorum & improborum ho-  
 minum genus, accurrit vndique qui  
 lippientibus animis librarium ta-  
 bernas circumirent, scripta dilacera-  
 rent, famam læderent. Hic me lati-  
 nitatis ignarum contemnebat: ille  
 in numismatis veteribus dicebat im-  
 peritum & fallacem. Hic ea me scri-  
 bere quæ à Lilio Giraldo essem suf-  
 furatus: ille, authorum & verba &  
 mentem temerè vbiq̃ue immutasse.  
 Hinc Græculi otiosi & loquaces &  
 fortasse docti, cachinnis suis labores  
 nostros eludebant. Hinc scriptorū  
 greges classicum canebant, immen-  
 saque volumina, quīs meam insci-  
 tiam contunderent, pollicebantur,  
 & chartas aliquot librarijs offere-  
 bant iniuriarum plenas & laruarum.  
 Hæ minæ fortis humanę inconstan-  
 tiam me docuerunt, improbitatis  
 duritiem, inuidiæ temporum mali-

gnitatem. Maleuolis responsum  
 non dedi, cum res ipsa per se, satis  
 loqui videatur. Si pergant porro, al-  
 lius fortè offensior vncos & clitellas  
 parat, quibus conductitij scriptoris  
 iniuriarum stercora ad cloacas defe-  
 rantur, & in Gemonias putrium ca-  
 dauera literarum aliquādo trahātur.  
 Hæc interim mea studia, Anna Ro-  
 berte, quæ me in curiam olim dedu-  
 cebant, nunc oblectant domi, tum  
 placuerunt plurimū cum Lodoi-  
 cus filius tuum de illis iudicium pri-  
 mus attulisset, & primus in foro in-  
 ter equales aperuisset, quid de nobis  
 sentiret. Quo magis & illius memi-  
 nisse debeo, teque & Choartiū cum  
 aliis multis colere, qui eam de libris  
 meis sententiam tulistis, vt ab ea fru-  
 strā ad minores iudices velit inuidia  
 prouocare. Quare frendat illa & rū-  
 patur, nugetur in librariorum offi-  
 cinis, me nec latinè scire, nec pru-



identiaꝝ artem dignoscere, quæ re-  
centes plagas ante finitam inflam-  
mationē purgare vetat. Malim ego  
ab iis meam in iis scribendis impru-  
dentiam accusari, quàm ob illorum  
intemperantias, debitam erga te be-  
neuolentiam retardare.

FINIS.

















